



ԱՅ ԲՆԱԴՊԱՅՊԱՆՈՒԹՅԱՆ ԵՎ ԲՆԱԿԱՆ ՌԵՍՈՒՐՍՆԵՐԻ  
ՆԱԽԱՐԱՐՈՒԹՅԱՆ

---

---

2017 թվականի գործունեության  
տարեկան  
ՀԱՇՎԵՏՎՈՒԹՅՈՒՆ

ք. Ստեփանակերտ

**ՀԱՇՎԵՏՎՈՒԹՅՈՒՆ**  
Արցախի Հանրապետության բնապահպանության և բնական  
ռեսուրսների նախարարության կողմից 2017 թվականին  
կատարած աշխատանքների

Բնապահպանության և բնօգտագործման ոլորտում 2017 թվականին իրականացվող քաղաքականությունն ուղղված էր շրջակա միջավայրի՝ մթնոլորտի, ջրերի, հողերի, ընդերքի, կենդանական ու բուսական աշխարհի վրա վնասակար ներգործությունների կանխարգելմանը կամ նվազեցմանը, բնական ռեսուրսների ողջամիտ օգտագործմանն ու վերականգնմանը, ինչպես նաև ԼՂՀ կառավարության 2016 թվականի գործունեության և ԱՀ կառավարության կողմից հաստատված ռազմավարական նշանակության ծրագրերով նախատեսված բնապահպանության ոլորտի գծով գերակա խնդիրների և միջոցառումների կատարման ապահովմանը:

Բնապահպանության և բնօգտագործման բնագավառում առկա խնդիրների լուծման և բնագավառի պետական կառավարման արդյունավետության բարձրացման նպատակով իրականացվել են համապատասխան միջոցառումներ ուղղված՝

- ոլորտը կարգավորող օրենսդրական դաշտի արդիականացմանը և կատարելագործմանը,
- Էկոլոգիական տեղեկատվական քաղաքականության ձևավորմանը ու իրականացմանը, բնապահպանական կրթության և դաստիարակության որակի բարելավման, հասարակության Էկոլոգիական գիտակցության ու մտածելակերպի կայացման և Էկոլոգիական խնդիրների մասին իրազեկության մակարդակի բարձրացման համար նախադրյալների ստեղծմանը,
- ընդերքի պահպանման, հաշվառման և գրանցման, դրա վերաբերյալ ճշգրիտ տեղեկատվության տրամադրման ապահովմանը,
- տնտեսական ծրագրերի գծով շրջակա միջավայրի վրա ազդեցության փորձաքննական համակարգի ձևավորմանը,
- տեսչական վերահսկողական աշխատանքների արդյունավետության բարձրացմանը
- բնության և շրջակա միջավայրի պահպանման նկատմամբ վերահսկողության առավել բարձր չափանիշների սահմանմանը,
- բնական ռեսուրսների օգտագործման նկատմամբ վերահսկողության ուժեղացմանը,
- անտառային կենսաբազմազանության պահպանությանը և կայուն օգտագործման անհրաժեշտությամբ պայմանավորված անտառային Էկոհամակարգերի բնապահպանական միջոցառումների իրականացմանը:

Բնական աճի աջակցման, բնական աճի ուսումնասիրության, անտառային ճանապարհների կառուցապատման ու վերանորոգման և բնափայտի մթերման տարեկան չափաքանակի ապահովման ուղղությամբ աշխատանքներ են իրականացվել անտառների պահպանության, պաշտպանության, վերարտադրման և անտառօգտագործման նպատակով:

ԼՂՀ կառավարության որոշմամբ 2017 թվականի համար հաստատված 12 700 խտացված մ3 գործափայտի և 150 000 խտացված մ3 վառելափայտի մթերման համար անտառօգտագործողներին տրամադրված թույլտվությունների հիման վրա <<Արցախանտառ>> ՊՈԱԿ-ի և անտառօգտագործողների միջև կնքվել են բնափայտի մթերման պայմանագրեր:

Հաշվետու ժամանակահատվածում մթերվել է 7 423 խտացված խորանարդ մետր գործափայտ և 128 972 դարսված խորանարդ մետր վառելափայտ, թափուկից՝ 17 558 դարսված խորանարդ մետր վառելափայտ:

Կենդանական աշխարհի պահպանության և կառավարման բնագավառում 2017 թվականին որսի օբյեկտ հանդիսացող որոշ կենդանատեսակների որսաշրջանում որսորդներին և ձկնորսներին տրամադրվել են 212 թույլտվություններ, այդ թվում՝ 198 սիրողական որսի, իսկ 14-ը՝ ձկնորսություն իրականացնելու համար:

2017 թվականին ուսումնասիրվել են ներկայացված հանքարդյունահանման և երկրաբանական ուսումնասիրության թույլտվություններ ստանալու հայտերը, տեղում ուսումնասիրվել է ընդերքի 12 տեղամաս, որի արդյունքում տրամադրվել է 12 հանքարդյունահանման թույլտվություններ, իսկ երկրաբանական ուսումնասիրության համար տրամադրվել է 3 թույլտվություն: 2017 թվականի ընթացքում երկարաձգվել են 5 հանքարդյունահանման թույլտվության

գործունեության ժամկետներ, վերածնակերպվել են՝ 3 ընդերքօգտագործման իրավունք:

Շրջակա միջավայրի վրա ազդեցության փորձաքննության բնագավառում բնապահպանական փորձաքննության ու ուսումնասիրության են ներկայացվել 64 ծրագրեր, որոնցից 45-ին տրվել է դրական փորձաքննական եզրակացություն, 17 հայտ, որոնք Լեռնային Ղարաբաղի Հանրապետության օրենսդրությամբ ենթակա չէին բնապահպանական փորձաքննության, նույնպես բավարարվել է, 2 դիմումներ հետ են վերադարձվել՝ լրամշակման նպատակով:

Բնապահպանական փորձաքննության իրականացման դիմաց պետական բյուջե է մուտքագրվել 4 378 500 ՀՀ դրամ:

Պետական ընդերքաբանական փորձաքննություն իրականացնելու նպատակով տնտեսվարող սուբյեկտների կողմից ներկայացված դիմումների հիման վրա իրականացվել է ոչ մետաղական օգտակար հանածոների պաշարների հաստատման 12 ընդերքաբանական փորձաքննություն:

2017 թվականի ընթացքում ջրօգտագործման թույլտվությունն ստանալու նպատակով ներկայացված 21 հայտերի հիման վրա տեղում ուսումնասիրվել է 16 ջրառի օբյեկտ, և համապատասխան քննարկման արդյունքում տրամադրվել 16 ջրօգտագործման թույլտվություններ, 5 հայտի ուսումնասիրությունները ընթացքի մեջ են: Օրենսդրության պահանջների համաձայն երկարաձգվել են 12 ջրօգտագործման թույլտվությունների ժամկետներ:

2017 թվականի ընթացքում հանրապետության տարածքում բնապահպանական և ընդերքի պետական տեսչության կողմից կատարվել են 33 ստուգայցեր՝ ըստ «Բնապահպանական վերահսկողության մասին» ԼՂՀ օրենքի պահանջներին:

Բնապահպանական և ընդերքի պետական տեսչության կողմից իրականացված ստուգումների և ստուգայցերի ընթացքում հայտնաբերվել ու օրենսդրությամբ սահմանված կարգով ընթացքավորվել է 143 տարբեր տեսակի իրավախախտումներ, որոնց գծով բնությանը հասցված վնասի չափը կազմել է 128,151 մլն ՀՀ դրամ, իսկ վարչական տուգանքը՝ 3.04 մլն ՀՀ դրամ:

2017 թվականի ընթացքում Լեռնային Ղարաբաղի Հանրապետության կենդանական աշխարհի պահպանության և վերարտադրության միջոցառումների 2017 թվականի ծրագրի շրջանակներում Մատաղիսի ջրամբար է բացթողնվել 3 600 կգ ծածան տեսակի մանրածուկ, կատարելվել է համապատասխան միջոցառումներ կարասի արդյունավետությունը նվազեցնելու և հակառակը ծածանազգիների և Էնդեմիկ տեսակների քանակը ավելացնելու ուղղությամբ՝ Էնդեմիկ ձկների վերարտադրությունը ապահովելու նպատակով:

Նշված ծրագրի իրականացման համար 2017 թվականին ԱՀ պետական բյուջեից հատկացվել 6480,0 հազար դրամ: